

天一閣藏明代方志選刊續編



成化重修毗陵志下冊（江蘇）

天一閣藏明代方志選刊續編
三

上海書店

重修毗陵志卷第十六

武備

常內郡也武衛之設五季以前無攷宋初于郡置兩
禁兵于縣置分寨兵南渡以後阻江爲險增置三
民兵游擊忠衛二屯而他司忠節一軍亦駐境上三
有天下漸至裁省

皇明撫定寰宇始雖嚴飭守禦尋亦僅存警邏
畢書以示安不忘危而已

宋

本州

禁軍

宋制始以禁軍衛京師奉命征討則遣戍於外康寧
後議者以禁兵不耐勞苦不習水土遂募就糧軍於
於陝西河北行於諸道乃有在外禁兵平郡嘗置官
毅一指揮後廢不補嘉祐間詔荆南等郡置威果兩
使郡有威果亦嘉祐後置雄節本熙寧之教閱相軍
元豐陞爲禁軍焉

威果六十六指揮

營在州橋南街西額管四百

人

雄節十二指揮 營在通判廳東街北額管五百

人

廂軍

藝祖鑒唐末藩鎮跋扈選州兵強壯者部送京師

補禁衛餘留本城謂之廂兵僅給役使本部有棹手

有本城棹義同篙三朝史志元文而棹手先廢皇祐中富弼安撫

京東因募流民伉健者爲廂兵訓以武伎東幸而

行之三朝兩朝史志熙寧二年改兩浙廂軍曰宗節加教閱

二字於軍額繼又以諸路廂兵名號不一併不
皆為崇節惟因事而募如工作部傳埭堰等及
剝員則仍舊焉

長編

崇節十九指揮 營在州倉南街西

崇節二十一指揮 營在金斗門內街西

崇節二十二指揮 營在行春門內街北

崇節二十六指揮 營附威果營內

壯城 營在廂軍營額管百人

作院 營無定所額管八十人

遞鋪

營在金斗門外

牢城

營在雄節營東

牛鎮閘兵額管百人

諸縣弓兵

建隆三年詔諸縣以戶口數定弓兵額多寡滿萬戶者五十人餘以次降殺其四尉司之額率加差益後嘗增募也

晉陵

營無定所額管百人

武進

營無定所額管百人

無錫 營無定所額管百二十人

宜興 營無定所額管百一十人

諸寨土兵

郡傳城置巡檢司而屬縣亦置山水寨蓋有警則補
備豫之意也

管界 寨在西水門外南岸額管百五十人

馬跡晉陵 寨在縣南百里太湖馬跡山額管百七

十五人

小河武進 寨在縣北六十里鄭港濱大江額管百一

九十五

香蘭 寨在縣東南五十里太湖側香蘭山接安

吉州長興縣境額管百八十五人

分界

正府

寨在縣西南九十里接廣德軍廣德

縣界額管百八

沿江民兵

嘉熙初難哨入淮江面微警郡守何處信請于朝始
置民兵防托晉武湖濱江之境餘六十里分爲十寨
然名額雖在歲久或亡徙云

晉陵六寨

烈塘八十六名

省莊百五十一名

沙子七十三名

千塘五十一名

五斗四十八名

大河百二十四名

武進四寨

鄭港百七十八名

孟渾二百五名

可漏百六十五名

黃蘆百四十二名

魏村忠節水軍

淳祐間浙西帥趙

以魏村津隘無備又請于

創創忠節水軍置寨江滸額管五百人後改隸憲司

遊擊軍 忠衛軍

寶祐間本郡被旨招遊擊軍繼招忠衛軍遊擊置寨
江滸忠衛留本城擇隙宇居之遊擊見管三百五十
七人忠衛見管二百三十五人錢糧逐季申朝廷科
撥

教場

教場在郡治東北隅廣十有四丈袤八十丈軒廳
各三楹翼屋七楹東西廡同

小教場在郡園有閱武亭

咸淳間廢

外縣廢寨

水軍

寨舊在宜興縣南境南唐宋延魯以檢校

官銀青光祿大夫爲義興君山十寨水軍都虞

候蓋李氏於此備吳越也宋廢

牧馬

寨舊有二一在宜興縣法藏寺前一在渚

渚村中興後爲殿司牧放之所乾道間徙蘇湖

等郡

紅陰軍

江陰兵自五代以前莫可考究至如南唐軍有寧遠
寨有石橋見十四指揮有安邊見光瑛寺殿皆偽竊
時事宜黜不書謹以宋之營柵簿數江防事具列于
左

禁軍

雄節十五指揮 營在都倉北額管五百人

廂軍

宗節三十五指揮 營在望京門內額管五百人

牢城 營在觀風門外沿河西

作院 營無定所額管二十五人

土兵

石牌 寨在縣東十八里額管二百一十人

申港 寨在縣西三十里額管二百一十人

弓兵

尉司 寨在尉廳側額管二百人

水軍

駐劄水軍

寨在縣西

即許浦水軍分駐之所

額管三百人

其廩稍衣糧舟船器械皆取給於統司將一貢主

帥命也先是淳熙壬寅始營寨屋三百六十五間
甲辰春乃駐劄于此將官陳俊復闢教場于縣之
東南紹熙壬子江伯夔更加營繕繚以周垣植以
佳木至是軍容整肅矣

教場

教場在軍治東郡守史嵩之增建堂曰整暇

江陰

江陰北抵江淮東連海道自六朝與五季皆為置兵
之地矧今駐蹕武林浙右諸郡茲為控扼其於形勢

詎可輕乎謹採古人屯戍之由與夫往歲守禦之要
列于左方亦有備無患之義也

宋文帝元嘉二十七年魏太武帝率大衆至瓜步壞
民廬舍及伐葦為筏聲言欲渡江建康震懼丹陽
統內盡戶發丁命領將軍劉遵等將兵分守津要
遊邏上接于湖下至蔡州陳艦列營連亘江濱自
采石至暨陽六七百里

唐李希烈之亂韓滉鎮潤州造樓船三千柁以舟師
由海門大閘至申浦乃還

吳徐溫禦越師一戰于潘封二戰于霍丘三戰于江

陰四戰于無錫以平內難功授常州刺史

見宋齊

集報先
禪寺碑

周顯德二年王師征淮安吳越止兵境上以待周命

吳越相吳程欲遂取常州會南唐有詔安撫江陰

吏民元德昭請姑伺之州不從直趨常州又使路

彥銖攻南唐宣州唐羅晟帥戰艦屯江陰

紹興四年十二月二十日三省樞密院同奉聖旨勘

會江南沿江為軍備係緊要控扼重地除已措置